

石雲山人詩集

石雲山人詩集卷六

西臺詩存

乙丑丙寅丁卯  
戊辰己巳庚午

南海吳榮光伯榮

釣魚臺修禊分韻得騁字

寄暢卽所欣偶然歷斯境春風吹我衣停策今朝永尙  
想垂釣人逍遙塵慮屏後來猶視昔勝賞當前領于茲  
禊云修陋被蘭方秉偕行遵水曲選坐依林影密穠苗  
桃柳平津交藻荇蔽巾最上流一攬波千頃字曖微雲  
澹山沐餘嵐覩漁歌出遠村夕陽在東嶺俯仰名理新  
稅落中懷騁快哉造物游忘筌各自省

姚秋農修撰

文田

索余階前白鶴花約雨後分種

越五日雨新詩適至遂分兩本和韻答之

欲補君家薜荔幃曉牕呼僕勵苔衣崇朝其雨詩先就  
五日爲期約未違涼夢三年尋舊植好花雙本貯秋菲  
故園蕉荔應無恙又感茅堂客未歸

客有招賞紫藤花者代賦二十韻

首夏餘芳事開樽集衆賓座宜無俗客花恰有詩人簇  
簇清芬度濛濛紫氣春掣雲光紉縵出霧影鱗皺密葉  
圍重幄繁英冒錦紳玲瓏曾琢玉纓珞不揚塵迸幹龍

方起連梢鳳欲振班珠微種別甘露記名珍山亦嬋娟  
秀湖方罨畫勻何年留古藟今日席芳茵粉膩連青鬢  
香濃到綠醇擘牋呼蜨使采蕊付蜂臣好句應千遍清  
歌又數巡梁園多賦手金谷各吟身邱壑王摩詰杯盤  
石季倫縶維剛永夕觴詠及良辰願藉穠華際同將契  
扣申牽蘿誰補屋采葛訝投輪語豈槎頭舊書看栗尾  
新剡溪千樹紙只愧筆如神

扁舟一葉圖二首

極目浩無際江聲天欲浮長風與巨浪駕此一扁舟萬

里空濛外何人汗漫遊遠山青笏笏都在海西頭  
尺幅真能事長江圖巨然客懷章水地人對鄱湖天歷  
亂羣巒暮依微絕島烟此心澹不極恐是畫家禪

題葉雲谷農部

夢龍

柳波送別圖卽送歸省四首

餞我海珠月遲君燕市塵可憐久爲客今又送歸人鄉  
路迢迢夢江波昔昔春柳花雙樹好對此倍傷神  
爲憶登程日親賓手乍揮人生能幾輩祿養逮重闔陟  
帖征夫路報春游子衣教忠聞有語且勿寄富歸

萬里秋如錦白雲遙在山懷歸溯親舍得請別朝班執

手各相勉此行甯就閒京華他夕望北斗近燕關  
七載都門餞無如君此行天涯念芻蕘鄉國有華筓海  
饌多馨潔山田紀泰平閒居吾有願何日愜歸耕

題葉雲谷蘆灣送別圖三首

曾題春色柳波圖又感秋心七月蘆臨水送歸身是客  
半憐君別半憐吾

三千二百里相送始歸程瘦馬寒雲影哀蟬落木聲

時雲

谷悼路長詩筆健秋老客襟驚計日高堂望長江一水  
橫

庚江風接贛江寒幾處峯頭幾處灘山水萬千歸客夢  
魚鴻迢遞故人餐李膺舊侶曾同載兼謂伍學博潘岳秋懷  
已退官珠海若逢相問訊清時閒甚惠文冠

通州道中

路入通郊載驟駸境開平衍氣蕭森絕無山影雲連野  
時有禽聲霜在林鴈鷺原田方日落牛羊村舍又秋深  
路人但說豐年好豈識

鑾車省歲心

晨發白澗二首

霜落葉初乾。昨宵風正寒。初陽照川畎。古處見衣冠。水澄餘潦。山山隱遠巒。酒旗行處有。計里解征鞍。曙色尙朦朧。長隄霧曖空。星辰開

蹕路燈火近。

離宮萬帳團。營列千林羽。衛雄拂鞭欣。日近翹首嶺。雲紅

迎

鑾歌四首

乙丑九月

上蘭秋獮歲



來臨此日

天顏喜更深豐水鎬京王化始淳風一路遍林林

郊原晚歲滿車籌柳老風恬正錦秋糝綠兩行開廣路

萬靈稽首護

神驪

是日上乘馬

星陳日旦物華新共仰當年

侍

輦人六十九年堯舜日萬家重喜見

東巡

清霜拂曙點朝班

鑾輅初從

帝里還玉燭秋調三應候

起居臣庶近

天顏

長至入直口號二首

曙色鐘聲萬戶催五雲佳氣

帝郊回陽孚葭琯灰初動瑞紀蕝階葉再開

禁漏遙聞傳右掖柱星剛喜近中台迎長殿閣昇平象

早見樞臣下直來

小椅衝寒到掖垣昨宵諸老拜

恩寬

時  
年老者乘小椅進  
詔大臣

聖心每念勞筋力臣節應先戒宴安風細玉輦塵影淨  
日高金爵雪花殘歸來院吏曾相識七載詞曹又豸冠

送潘伯臨比部

正亨

歸省六首

天遠歲云晏君胡不暫留南雲有親舍朔雪一征裘珠  
海鄉心潤金門客夢悠故園陔畔草計日到春頭

雨雪懷歸地吾曾出國門那堪陟岵日又感送行樽馬

首七千里雞聲何處村客途詩筆健爲認雪鴻痕

余已未歸

省亦由此路回粵

劍氣何人識如君已貫空人生幾珠璞吾道任雞蟲幸有鬼神泣那無性命通丁年榜花發一洗淚眶紅

屬者西曹佐同心答

聖明懸輶

朝野事伐木友朋聲退食三冬暇啣杯四座傾吾生多白眼感此聽和平

苦憶林夫子關西久席珍屬君他日雨話我舊時春

謂林

春園師

流水一知己

謂君大阮  
穀堂先生

空山多故人

謂漆二陶  
七同年

長

安今落拓殊愧諫書陳

春色越王臺春潮一棹回錦衣動閭里清俸佐瓶罍宦

蹟江湖話

君恩歲月催教忠勿安處舊侶待重來

定豐庄小憩

數家烟火自衡茅垂柳陰濃五月交日影舒長風力軟  
又看雛燕出新巢

于役一首

于役輪蹄敢憚煩東來重過潞城垣無多柳色剛三月  
偶種桃花又一村十里暖風吹麥隴幾家春水繞柴門  
素衣自嘆征塵甚可以山農得避喧

宿通州古廟卽事

陣雨掃狂沙華月吐清炯東風晚來寒料峭度林影昏  
旦氣候變快此清涼境鐘聲澹竹院露氣森苔井我來  
宿庭中入夜塵慮屏夜色窅如何妙理當前領牕虛佛  
火微簾深禪榻靜明日看花游春事海棠冷

掩關

輾轆車塵晝掩關小牕容膝得餘閑奇書可讀無多卷  
好夢曾經第一山沽酒昨宵邀月醉栽花今日喜春還  
荒庭一例東風暖恰聽禽聲到耳間

題秋荷文禽圖

我憶頑仙洞陂塘七月荷今朝對圖畫舊夢落滄波露  
氣新房潤雨聲殘葉多江湖有文鳥歸計竟如何  
夜夢與簣坡庶子聯吟得首二句醒足成之

雨過天一碧詩人正倚樓池塘自良夜風露此清秋遠  
戍思兵馬佳期說女牛漸憐節遲暮故國有扁舟

秋思

滿院桐涼一葉知無端  
芎葛動秋思八年蝸寄歸何日  
四壁蛩吟到此時  
臨水登山騷客賦疎燈雙杵旅人詩  
君恩未報仍懷祿南望飛雲天一涯

自題仿漢印譜

頑仙洞口墨緣新  
十載摩挲寄此身  
漫說雕蟲真小技  
臣今壯也不如人

使浙紀

恩詩

六月十二日



詔書新捧出朝班又感初心選佛艱海內才多在甌越  
聖人恩許看湖山涼風驛路三秋近暑雨皇華六轡閑  
盼到桂花明月夜重依北斗望燕關

至良鄉口占

六月二十日

此是乘輶第一程海邦人已望雙星停鞭最憶槐黃路  
辛苦征塵昔日經

過雄縣秋田豐熟喜而有作

曾散

天家稷稻香

聖恩頻爲念青黃

予奉

命監視平糶自四

月起至五月廿日事竣

三輔東南地喜見千脰翼郁場到處晚烟炊玉粳待秋

寒露卜金穰民依欲報

皇衷慰朶殿薰琴日正長

和萬和園少宗伯

承風

途中紀雨韻

長風吹行雲雲意遲復亟忽然瀚四圍衆木紛謾謾暑  
溽土脉潤涼生雨氣逼農婦荷鋤忙僕夫攬轡疾回望  
遠山晴中有層嵐黑快澍從之來乍捲如絲密霽軸挾  
羣靈飄輪吹萬息是時甫投旅獨坐炎塵匿爲向本來

性觀其發與窒施普物流形大化誰埏埴我自畿輔至  
得之野老述大田待澤殷豐歉分畛洫茲耆得飛甘鋪  
菜萬井出梁稻飽神漿桑麻含秀色千耦走相告再登  
乃可必君詩念和豐馨香宗伯職田間慶有秋  
黼座塵無逸共仰

知艱心紀此普存力

客寓頗湫隘占此自遣

幸得一枝借焉知萬厦寬吾生本蓬華世路幾邯鄲蛙  
鼓宵更短蚊雷客夢闌僕人多解意湫隘勉能安

和和圃前輩固山驛韻

岱宗青未了分到此層巒松檜千年老烟霞一壑寒眞  
人自天際

山頂有眞人廟

荒驛近雲端歸使逢相語秋燈憶古

歡

路遇煦齋先生言甲子使江南與湯价人戶部曾宿此館也

和和圃前輩過泰山作

我行潛霍遵其麓又向匡廬山背宿萬卷山房鬼神守  
千笏天門官衛肅欲往從之道阻長今瞻岱宗願亦足  
初經卑扈歷高岑獨蜀屬繹駭心目峩嶢東指丈人峯  
下視礧礧盡俯伏上帝高居詆蕩開日光雲氣紛仙躅

去年故人濟水一瑤緘瑯琊之罟碑快讀古苔剝蝕秋  
雨遍要與螭蠹爭漆竹李斯小篆世所師在人間者如  
帛救我聞七十二家封禪書古儒論說日相逐倘能登  
山肆搜尋因之考訂願有復征軺王事不敢留明日西  
風馬首促行當冬雪賦來思摩天馭來竟登矚山靈聽  
者許我言烟霞勿訝請迴俗迴頭一望鬱靈蹤不辯高  
巖與深谷衆青迤迤隨我行跨齊帶魯相送來南服

過羊叔子故里

卽羊  
流驛

公自嗟陵谷人爭想帶裘荒祠遺像肅古里暮雲秋賓

客裏陽盛功名峴首留千年碑淚在此地有羊流

蒙陰道中作

東蒙東畔接高原山色崔巍過馬煩晴日乍看雲抱石  
晚風時帶雨歸村平沙淺岸人爭渡老樹荒苔客掩門  
欲問農桑年事好炊烟幾處又黃昏

道中逢李雲華侍御翊故僕

西望雲陰接濟甯涼風吹雨晝冥冥那堪故僕相逢日  
重話窮交已曉星入洛弟兄空譽望

謂衣山前輩

依劉妻子

又飄零天涯宦興渾如此感我歸心鬢尚青

出蒙陰南一路平坦喜而作此

澗雨坡泥溽暑徂行行今始識夷途眼無障礙皆空豁  
心憶崎嶇更有無曉野蒼茫夷父杖秋林平遠巨然圖  
康莊九達當前是好囑輪蹄範我驅

渡沂河作

方田如郛水如羅我欲臨流一曲歌兩岸夕陽雙棹穩  
好風相送渡沂河

入江南境口占二首

三載頭銜道院名繡衣今日境中行川原一帶桑麻地

使者關心問雨晴

大野雲生指點間  
峒嵒青擁一螺鬟  
欲分北苑嶙峋筆  
爲寫江南雨後山

順河七夕二首

洗車香雨淨纖塵

初六日雨

鵲駕迢迢指漢濱  
容與載雲期

帝子溯洞在水謂伊人  
古歡天上今何夕  
旅思城南夜

向晨我有秦嘉書  
一尺秋風懷袖寄無因

時遵功令不寄家信

欲擬中閨乞巧文  
燭光簾影正殷勤  
蟾蜍硯凍題銀筆  
蟋蟀階涼拜繡裙  
幾處樓臺方月淺  
此時風露似秋分



是夕涼甚停鍼爲話支機石憶到仙槎漢有雲

星軺雜紀四首

驛夫

伏雨林光黯炎風草氣熬生涯隨地遠客路又天高共  
命惟鞭鐙吾生亦裏毛可憐皆赤子念汝獨劬勞

驛馬

夜半爰求馬蕭蕭已在林一芻爭乞命千里竟何心鞭  
影焮埃老鈴聲歲月深年年辛苦地誰爲惜蹄涔

驛館

脯資供地主隨分有盤餐我自甘儒食人知重使官炊  
香新糲稔挈榼古衣冠莫更嫌麤糲田家粒粒難

驛館

長途謀驛宿傳舍各西東馬繫斜陽外人依老屋中到  
門多野色紀里盡淳風每見宜春帖緣知

帝澤豐

泊瓜州

大江催滿月輪秋樹色朦朧古渡頭如蔓水平風正穩  
晚涼一棹泊瓜州

金山寺紀遊

大江日夜流冥冥有客再過揚吳船南指烟霞向我笑  
此地不許塵旌停斯行已過復登陟得無前者嘲山靈  
湖洞一嶼水環繞與客同叩山之扁神霄玉清昔人往  
飯鐘佛火空晦暝秋苔屢轉磴予春枕幾酌泉清冷  
江天一覽夕陽外信步已到空碧亭我能鼓勇直登慈  
壽塔高寒徙倚心屏營下有培塿郭璞墓三峯如削烟  
中汀善才日拜觀自在洞雲目睇波耳聆裴衲自識金  
銀氣神窟蛇伏天風腥萬古潮聲此檣檣六朝山色來

牕櫺海門微茫一縷白  
決皆欲亂歸鴉翎我聞多景樓  
頭顛老語京口江山逾洞庭  
况茲山水自古勝

翠華南幸開雲陁歲月已錫黃  
楊壽雨露長被幽蘭馨  
君不見宋臣蘇軾留玉帶

天章寶匣彪辰星又不見

先皇賜冠鎮山寺

御香默護如來暝老僧尙解

龍章誦行路長說

虬纒經於戲福地

聖人澤何必蓬島尋仙  
冥迴頭問山山不語  
惟有千樓萬閣擁此嵐光青

渡揚子江

大江一楫擊中流  
京口潮聲接石頭  
天塹久分南北界  
海門遙控帝王州  
中原壯志浮雲暮  
六代繁華草樹愁  
今日星槎經過處  
波平如鏡自清秋

中泠泉

路入烟霞古徑平  
汲深先聽轆轤聲  
大江近引靈源活  
小勺同分玉瀝盈  
雲竇暗流歸石磴  
月團新火待銅鎗

老僧莫笑詩腸瘦欲証臣心似此清

寺僧餉泉復成四韻

才試靈山第一泉雙瓶分餉夜重煎  
活添茗火雲留榻遠聽松風月在天  
點露香催官胯熟吹花春泛客甌圓  
頭綱曾拜瀛洲賜爲話

君恩又四年

甲子預新芽之

上幸院得

賜

讀季子墓碑

碑爲天厯年間重摹

如此清芬述豈能殘碑千古說延陵  
先人邱隴靈長地夫子文章感慨興  
生死共知交有道春秋誰謂獻無徵

觀風歷聘當年事愧我南來使節承

入浙江境口占

驛路三千浙水湄曉風橋外柳如絲皇華日近

宮雲遠最憶香爐侍立時

榜發呈芝軒少宰師四首

師時提學浙中

五色新書捧

御批懷人心溯浙雲西星槎有客循先路斗野多才應

上奎敢許師門傳佛鉢誰從人海照神犀一孺小印三

年字又仿頭銜篆紫泥

甲子夏師使浙時命作兩浙使者印今得仿之

秋風才憩使臣車拜手公庭訊起居香案引班瞻

北闕雲屏依坐接前裾兩行珂紱千花麗一路麾幢列

騎徐回首當年知遇地五星明處夜堂虛

已未四月朔五星聚奎

湖山佳氣久培英來聽承平雅頌聲感遇每慚珊一網

選才須認璧連城碧桐葉落風簷苦丹桂花開月鏡明

此日爲拈裴相句門生門下見門生

唐裴諱句

榜燭初紅列戟臨雅才多少數園林每懷繡節風行洽

更喜洪鈞雨化深夔道尤苓同舊契

庚申師視學滇南時及門蘇御史兆

登亦主  
眞試

京華桃李又新陰

同年桂少宗伯芳張編修麟與校今科京兆試辦香



一例

宸香拜共矢冰淵答

聖心

清平階中丞

安泰

招飲西湖二首

畫舫明漪九月辰  
棘闈初撤試閑身  
山如西子新妝日  
水識東坡舊社人  
兩岸夕陽頽塔醉  
一甌晴雪冷泉新  
佳游更有籃輿興  
危磴蒙茸撥翠筠

由靈隱至韜光

波影嵐光晚棹迴  
看經樓上綺筵開  
古風今雨人重席  
柳影鬢香酒一盃  
杖履預期尋梵徑

芝軒師約游雲棲

節幢明

日又行臺

平階中丞明  
口出按甯波

文章幕府湖山主許我他年或

再來

蒙陰道中口占

一鞭斜照趁官郵風緊雲寒欲破秋  
兩岸蘆花相對白却疑殘雪在橋頭

東光驛晨發

閣雪忽成兩野風吹作霜關山對人遠  
鴻鴈接天長星曙催郵路雲歸指

帝鄉轡軒欣計日已近

御爐香

入廣安門

十月十八日

乍拂征塵賦返轅  
詰朝封事拜

君恩去途楊柳歸途雪  
迢遞皇華入

國門

和翁覃溪先生

方綱

重宴鹿鳴韻四首

唱徹苹芩九月天  
頭銜初拜紀

恩筵又逢天聖宗  
元榜

天聖五年丁卯榜

共數耆英伯壽年

耆英

會中劉伯壽年七十五

五紀省臺譚舊事  
千秋金石有新編  
頤齡

預祝壬申宴載咏霓裳第一篇

兩代文思日月光

聖恩深念昔言揚歲符玉律調風管人憶金門奏雅簧  
黃榜幾操千佛選丹林重話一枝香公堂多少簪花客  
曾向門前侍履裳

飛騰前輩盡鴻騫袞袞登臺有讜論會者幾人留俎豆

謂朱文正師  
紀文達公

巋然二老共琴尊

兼謂徐樹  
峯宗丞

槐廳清秘論

科最

翰林前輩  
推公爲首

芝榜昇平紀歲煩

公每元旦于芝麻上  
書天下太平四字

愧我追陪梁學士淅雲迢遞拜

君恩

梁山舟前輩  
鹿鳴宴余奉使往浙得親科名盛事

恩加學士銜重預

粵水經聞生也遲每從衣鉢得吾師

文遠  
舉師

許通槐座春

風契話到筠庭夜月時

公爲題可菴文湖州竹幅  
屢舉東坡落月空庭之句

墨法

蘇齋觀欲遍畫禪梅里說能知

公贈詩有畫禪  
請叩吳仲圭句

衆音繁

會賡週甲可識平原鼓待槌

### 送人出宰粵東二首

青雲多少策春驂太息君才百里堪擊筑十年燕市外  
栽花一邑庾山南爐丹能守應旋九巖璞何勞更獻三  
休向文章言命達科名如我已多慚

十載都門幾送行，鄉心重話五羊城。  
似聞大海波澄晏，共祝原田歲太平。  
楊僕樓船真將畧，范丹塵甑亦時名。  
囑君吏治兼儒術，車乘他年慰友生。

送方芑堂

懋嗣

稚章

懋朝

兄弟歸里四首

海色三千里，南山多白雲。  
關河方遠道，風雨又離羣。  
陟謁同爲客，臨歧獨送君。  
故園未歸者，空自說榆枌。

屬者春官上，何人五色迷。  
君才皆鸞鷟，世路幾蟲雞。  
彩筆風塵健，青衫歲月睽。  
東西一解舍，况復大名齊。

謂稚章

憶昨人持節，辛勤到武林。  
朝烟藏別璞，秋雨泣焦琴。  
李

薦歸家日山濤薦士心

稚章舉優行

冰衡

恩榜近重祝夜堂深

問訊西湖月清光遍幾家秋心留一水客夢落雙槎他日青樽酒相望白露葭一官仍索米爲話舊皇華

費西塘給諫

錫章

使琉球詩三首

綏遠邦之典

皇仁東海揚外藩奉冠帶使者簡賢良身服辭三省鸞書捧十行歡斯卅六姓

寶冊慶豐穰

如鏡波恬晏羅鍼指卯辰蛟龍馴溟滓島嶼走嶙峋萬  
里天涯路重洋海外臣國門開廣福稽首拜征塵  
虎萃龍崗地蒼然儼卧虬三山據形勢八載重懷柔絳  
節威儀肅瓊筵禮數稠却金亭畔水清澈待歸舟

入直

肅肅周廬晝晷移紫泥香處一簾垂傳宣每見中官下  
密勿惟應上相知總爲

九重求治切休言百爾退公遲故山南望波恬晏早晚  
邊書慰



不  
集  
卷六  
三  
睿思

時望緝捕  
洋盜捷音

題唐子畏詩翰

如此才終老乾坤亦愴神  
吾廬雙病鬢芳草一閒身  
四海風塵大三冬筆硯親

用原句

可憐遺墨在餘事僅詩人

暮春十二日同人飲徐淞帆都轉

逢裕

署海棠花

下話柳墅行宮海棠之盛用東坡先生定慧院

韻

東風朝來染析木染到穠華此花獨花前尊酒花下人  
各對芳韶論歲俗淀津北望接春明

恩露如濡滿谿谷千花荏苒擁

行宮萬柳周遮隣比屋中有繁枝更殊絕見此真嗤世  
眼肉曉蕊風酣淊淊香午欄日麗遲遲足

天顏有喜恰親承春色無偏豈私淑

翠華臨幸忽經年但寫年光人詩腹我憶城南梵徑花  
每敲日下僧門竹塵影終朝幾送春緗雲如夢頻驚目  
軟紅游客正清暇儼白詞人有楚蜀今日同君對酒歌  
又如泥雪留鴻鵠

恩暉歲華俱可惜努力爲念來羅曲此意問花花不言

十年舊事紛振觸

送家山尊學士

稟

歸養四首

客路持相感君真遂養歸八年親舍在十載廨牀依各有鄉心遠憐予宦况非河干雙淚別重濕舊征衣

况復過江後成名待士衡濡羔三事愧

贈句有雅才今有羔裘之語

倦翮一官輕氣類風塵老文章玷臬榮孤寒知己淚執手編春明

百粵迢迢路君行歲暮時好於垂艾老爲話遠游兒家國心中事鄉園夢裏知梅花他夕月寒到嶺頭枝

得請朝班訝胡爲竟挂冠

九重詢有母一疏許辭官盛業留中秘  
恩暉到膳餐蓬瀛春色好勇退古來難

楊柳青舟中

烟驛垂楊暖未明雙篷孤棹客初程蕭蕭枕上驚殘夢  
聽到蟲聲作雨聲

過朗吟樓口占

作詩豈可無仙骨飲酒何妨見道心雲水相望四千里  
岳陽有客正高吟

故城舟中

扁舟長日幾迴環兩岸桑麻屋數間堤折三重仍舊套  
帆經九轉又新灣朝烟甘井源頭活古月澹<sub>平</sub>村徑路  
閒客裏夜闌看北斗宮雲千里是京關

安陵舟中月

澹對人間夜波光與月光萬塵清淨地雙鏡水雲鄉慧  
恐前身減綠都一指忘霓裳懷舊侶天外桂花香

浩歌一首

浩歌一曲徹滄浪風雨扁舟底事忙足跡未經疑地隘

鬢華將老倍心長岱宗使節曾題筆海國樓船有報章  
出世不能仍用世尙留筋力答

君王

種竹四首束額約齋直指

勒布

夜氣散歔氛朝烟到牕綠滃然好雨來灑我新畦足坐  
數清陰滿娟娟幾竿玉澹對各忘言代序秋懷觸

昨夢湘江人贈我湘月色江水清且長古心照無極蘭  
芷有芬芳橘柚自雕飾願保歲寒盟勵茲君子德

津水多黃塵何以消我暑掩關萬碧中時聞雙鳥語朝

瞰出東方零露浩如湑相期故人來清風久延佇  
秋心如水澹秋雲遙在天漸與此君別徘徊步庭前願  
言勿剪伐清修殊可憐他時終不謾各誦淇隩篇

題黃退菴

凱鈞

馴鹿莊圖用見寄原韻

烟嵐澹朝暉伊人在東郭風木感昔懷山澤要久約孤  
雲不出岫衆鳥欣所託閒暇命儔侶春酒共斟酌達者  
固如斯大雅代有作昨夢與君游老樹倚林薄君詩如  
飛泉百道珠霏落誦我以清風期我以好爵何如一栢  
水與君置邱壑他年把臂來息壤視芒屨

阮芸臺師所藏唐貞觀造象金塗銅碑

非身爲大身世界微塵衆諸相亦非相誰者禪天洞此  
碑四寸許尋常造象供不壞金剛法尙立文字用慧慈  
風日長功德君親重妙腕薛褚筆盛時貞觀統越廿一  
甲子上下千年綜吾師發秘函手拓復口誦前生福慧  
兼諸天歡喜共授以三日觀墨池春解凍悟彼妙香來  
安得靈根種隔巷聞鐘聲醒我塵間夢

題屠琴塢

俾

雙藤老屋圖卽送其出宰儀徵二首

宦跡推移寄此身似君又作種花人雲烟過眼



明庭賦風雨關心老屋春金紛畫才三載舊文章吏治  
一行新臨岐重爲蒼生囑見說邦溝有潦民

會記依鄰此卜居中宵攜酒到庭除風香露粉人雙對  
雪印泥痕客半虛別後天涯今雨歇去時江上晚花餘  
行春他日甘棠舍可憶門前問字車

小住

小住京華便作家十年汨汨逐塵譁醉耽奇字燈前草  
醒悟浮名鏡裏花雲滿江亭朝放鶴雨過蕭寺夜聞蛙  
一樽意氣消磨後剩有閒情玩物華

同懷弟彌光樸園編輯

子尙忠春卿

尙志任卿校字

石雲山人詩集卷六止

石雲山人集

卷六

七

石雲山人詩集卷七

歸省第二集

庚午辛未  
有序

南海吳榮光伯榮

余己未以庶常歸省存其詩爲第一集旋由編  
修爲御史官京師者十年己巳秋呈議罷秩復  
起爲員外郎庚午九月歸省存其詩爲第二集  
嗟乎一介寒儒兩遷清秩每念重慈在室有父  
教忠沈約屬其蘭杜陶亮荒其松菊亦謂蠲從  
王事肅鵠伊懷豈知癯厥官常害馬未去

聖恩不棄改秩爲郎爰謝霜垣來觀粉署而

雲南天北悵望遠游事異情遷嗟來尙愼關山  
修阻以八口而託人日月迭微閱十年而將父  
此固勞人所以撫心而遷客所爲綦慨者矣秋  
高粵嶠月滿分江良田豐晏之年賤子歸來之  
日家有斗粟笥存

賜衣歸釐嚴君上壽

大母慰我幃帟歡暨庭階謝家之雋並存劉氏  
之姝無恙分遠攜之鶴俸來佐盤殮話屢受之  
鴻慈載娛色笑旨酒方滑常膳有加列  
筵承顏紆采起舞人生安樂孰知其他旣而嚴

君進小子而命之曰無恆安處詩人之所以告  
忠無忝夙夜孝經之所云資敬况吾身長健汝

祖未衰五葉衍

恩卜茲來日

家嚴命于  
家祖母見

一堂五代日  
請旌歸省

一官請養遲汝他年勉旃匪躬勿

憚于役嗟乎里居半載客路三春甫遂循陔又  
當牽袂去住萬里家國一心華施薄以如違柳  
在隄而遂往且中年弟妹餐飯可思少日親賓  
杯觴各盡懷人芳草綠水池塘畏我簡書黃塵  
道路凡往返攄情之作及倏遲告瘁之詞綴而

存之以待刪訂潘岳拙宦故有取乎輿軒庾信  
離家豈無愁于關隴凡若干首其詞云爾

出都與錢復齋

廷玉

錢星鈐

任鈞

唐樾巖

成棟

話

別庚午五月十三日

國門執手駐征車拂拭

君恩轉自嗟每飯未忘來日報故山猶識舊時家何堪  
夢境論青瑣每愧詩才補白華八口提攜應不負關心  
裘葛在天涯

題畫贈錢星鈐孝廉

烟霞十載記前因樹色蒼涼照客身除却軟紅塵土外  
青山隨處著詩人

贈寶應沈南臺明府

邦基

百里非易才膏澤實親民奈何爲政者動以肥瘠論否  
則較望緊又以繁簡分

朝廷望共治而乃徒紛紛秋風使院開吾識賢宰文秋  
江使棹歸吾識賢宰眞謂宰性純摯學道則愛人春官  
一上第作令淮海濱經術貴匡時文章徒華身庶幾行  
所學吾道其少伸淮流浩長風溢潦年相因顧此化儻

子磬磬叫蒼鈞瞻烏於誰屋哀鴻胡可聞年年恤賑  
詔大哉我

皇仁庶幾宣

德意哺腹而席裯撫綏毋憚勞養給敢言均念念不滿  
假精神乃日振握手相廛勉斯言或可循他年報最時  
田疇膏雨春勿謂官邑小

盛世需經綸

題鮑秋田仿王石谷種梅卷和韻二首

石翁去後雲烟冷江左風流有畫家老屋簷前兩松樹



遠山牆角一梅花

頑仙洞口舊烟霞十載依依夢裏家正是歸舟天際遠  
教人先憶嶺頭花

同武林諸子登吳山絕頂作

白雲帝鄉來遠與在山期歸鳥亦倦翮眷然懷故枝悠  
悠旅人身長途尙天涯行道心憚暑憩影吳山陲吳山  
草木長鬱葱含清暉羣才信多暇晨策登崔巍高閣矗  
斗筐

文昌閣

荒臺悟奕機

大觀臺觀奕

石湑危洞寒樹色故宮

微獨立第一峯招手烟霞飛左攬湖山勝右挹之江奇

江山戰鬪餘游觀清晏時酌酒各相勉佳辰當及茲吾

懷周先生

周志新泉使南海人今爲浙江城隍神廟在山上

固陋志不移忠信

見疑患正直憂讒譏塵露浮生空俎豆令名垂富貴我  
如雲名節人所資況今

聖明朝

皇路同坦夷豹用君子變鴻爲大夫儀念哉皆良臣羣  
萋吉土宜毋以守窮巷婉孌季女饑瀕行書此言吾道  
夫甯非他年得時駕各誦車弓詩

遊理安寺夜宿松顛閣同石琢堂前輩

蘊玉

二首

竟有人間此佛場懸厓百道繞蒼蒼誰開初地禪燈古

吾識諸天梵字香危磴迴時雙屐穩亂山圍處一僧涼

觀心妙偈曾書得不信流傳到下方

爲寺僧寒石書心經一卷

勞塵暫息夢耶真夢醒山山有白雲鷓退鴻飛人世界

樹深巖老我聲聞烟霞一晌清涼判泉石三生福慧分

迴首前緣應尙在草堂猿鶴漫移文

余于理安寺恍似前身曾歷者但世

欲日深不復能記憶耳

題陳古華太守

廷慶

五十學書圖四首

曾向摩厓識柳顏一編金石遍湖山可憐筆塚人書老

老學集卷之六  
小道誰云是等閒

昨夜秋風到碧梧  
案頭消息驗工夫  
誰將法外翻新意  
補入山陰筆陣圖

小築山光一角幽  
鶴聲過耳露初收  
門前欲乞虞戈脚  
魁芋應輸幾百頭

我亦霓裳隊裏人  
仙緣空自憶前身  
宦成一卷烟霞字  
爭得如君不染塵

七月十六夜泛月西湖二首

得月最多處  
湖心此一亭  
水涵孤嶼綠  
天帶六橋青

粟觀身幻水壺濯魄冷河梁風露澹歷歷種榆星  
萬籟浩無際飄然一葉舟月歸潭影淨人倚櫓聲柔露  
氣萬花睡波光雙塔秋明朝江水驛好夢憶勾畱

鉛山弔蔣心餘前輩

士銓

朔風吹雨過江來好夢臨川第幾回唾手功名天亦笑  
到頭富貴石曾灰也知窮達皆由命况值

朝廷正愛才一樣珊珊好仙骨有人十載領蓬萊

謂彭文勤

院長

懷人十二首

并序

十年宦轍四月歸途人事多違交游誰健少壯  
所歷感慨係之扁舟晚泊灘聲如吼白雲在望  
飛鳥投林屈指計程鄉關漸近而旅人歸省後  
又未能長此就閒僕僕塵鞅殊愧故人矣篷牕  
無事憶平日所心契者得十有二人各系數語  
山川落落里居不忘此中有人他日請念時庚  
午九月朔雙江舟次

陳觀察

昌齊

觀察吾先達京華別五載兩度浙水游溯洄人宛在公

學體用兼相師維寮案胡爲鵲退飛不爲鳳綯彩

鄭太史 應元

交親老輩健君與溫南臺

謂溫質坡副憲

科名三十年不如酒

一杯春明執我手謂我毋歸來歸來謝長者報

國慙涓埃

龍宮贊

延槐

宮贊古之遺淳風灑鄉陌三冬賦別離兩月數晨夕事  
母再命榮課子五畝宅如君可歸矣故山有雙屐

溫學博

汝科

高高大庾山中有古博士官祿足代耕臣門清似水梅  
花幾處寒皓月天之淚忽憶新詩來清言何綺靡

溫上舍

汝遂

落落竹夢生醉狂時起舞高情薄雲霄健筆掃風雨尙  
憶令德言勉我直道古平生知己心兩弟又荒土

謂松巖汝

道竹堂  
汝遵

漆孝廉

璘

瓏淵生民秀翩翩一書生好學乃不倦守己無異營君  
有著作才亮哉宏漢京磊砢我輩中但傷王宜城

謂王  
廣堂



同年

張孝廉

維屏

南山古詩人吟詩見風節賦愁鬼曾泣舒憤石可裂故鄉粳稻多騷客衣裳潔欲往從之遊江月澹于雪

葉農部

夢龍

論交十七年雲谷爲最久謁告蓼莪哀不見空搔首顧愷畫盈厨左思筆在牖城南一老人

謂翁覃溪大鴻臚

念爾忘

年友

黃農部

玉衡

芋翁不可作

謂盧舟學博丹書

有子云伯璣一登明經科再舉

京兆聞君文有識者勿傷知音希山中胡久畱尺鱸秋水肥

潘比部

正亨

伯臨非酒豪于酒得其理胸中有真氣目下無餘子都門風雨秋海國蒹葭浹窮交同所願他日須君起

呂茂才

培

交呂旣鴻騫吾呂亦鳳翽

謁

屬車塵歸來謝軒蓋有託尊酒前放浪形骸外故人良

可思石橋雪花大

伍學博良

昔歲秋落拓迢遙伍子書持書感以歎相慰問起居汝  
妹旣平慎諸甥多肖余古道久云亡行歸話里閭

勞生

閱世無啼笑勞生在折磨宦情隨路減歸夢近家多鄉  
國逢人問江山對酒歌長安兒女憶今夕月如何

惜母灘夜泊

惜母灘頭夜泊船四山雲樹晚秋天可憐游子柝捲淚

灑向風塵十九年

舟中口占

秋色蒼茫故國情  
萬山凌亂水回縈  
孤舟夜半人初醒  
篷底蕭蕭聽雨聲

証夢

并序

丁卯三月下澣夢登大庾嶺拜張丞相祠下公  
屬自今以後七年汝當奔走干道不遑甯息須  
好爲之又謂宦海波濤可畏汝五紀外當歸來  
云

榮光

曾有記是年後兩奉

差遣旋以

己巳呈議起復今職殆所謂宦途可畏乎今年  
九月歸省計七年奔走亦已四閱年所矣謹以  
度嶺日齋戒告所夢于祠前用志此詩以當息  
壤時庚午九月七日

歷歷林巒夢到時忽憐孤客又天涯七年奔走甯堪此  
五紀歸來更不疑念我蹉跎將老矣感公珍重好爲之  
梅花萬樹鄉關路他日相煩作主持

得歸四首

庚午九月十三日

今朝真得拜重闡泥首

君恩許便歸大地晨風容鵲退故山秋色感鱸肥三登  
僅慰趨庭養五緘仍留在笥衣却好西園松菊在晚花  
如錦樹如圍

歸來猶及一家春十載相看健在身老福婆娑瞻大母

少孫頭角待成人

四五弟皆知讀書

宴開繡幔慈雲霽詩譜華

笙愛日新最憶

臨軒詢有父八旬祖暨六旬親

一灣泌水繞佳城

先祖葬地

雲寫烟吟是玉耕

先祖詩集名

祖德

尙遲他日述春暉那更越時驚

先太夫人見背十九年

釣遊少壯

論今昔里黨親疎感死生若過竹林重回首謝家絲管

慘無聲

謂先六伯  
先十叔

羣季依依轉自嗟幾回執手數年華已憐歸雁翻如客  
差可瞻烏乍有家京國每詢兒女月階庭長秀弟兄花  
懷歸正喜連牀夢怕說他時四牡車

題邊壽民蘆鴈圖

霄漢多毛羽吾生幾稻梁如何湖海裏空對水天長客  
夢耽鷗嶼秋心到雉梁蘆花兩岸白記取爪泥香

荔枝灣

十載鄉園客夢長紅雲散盡碧天涼我來空對珠江水  
綠瘦香消十八娘

荔枝名

別緒四首

豈不懷歸畏簡書連宵留戀話庭除八旬祖母六旬父  
十載羈遊半載居此去

昇平慚報答他年請告莫紆徐朝暉一顆當頭照爲報

征人愛日舒

是日晴朗

皤皤黃髮話重闌似此分離胡勿歸總爲

聖朝恩未棄頓教周道養多違西池草色前宵夢東墅



花枝競日輝

伯叔四人

齊祝華堂開五葉

芝泥捧到一家肥

家嚴命于祖母得見五  
代日即請旌歸養

秋至春離似鴈忙  
躡筵重話父舅行  
才于里社分燕晉

又向門庭悵謝王

家伯叔別業多  
荒至有易主者

揖讓延陵徵禮教衣

冠南海是邦鄉  
伏波鵠虎言猶在

謂先十叔

七載懷書感泣

長

同舟昨日得何由

倒用杜句

新漲催人碧似油

諸弟及陳翔  
載妹倩伍東

橋內兄舟  
餞于分江

白雪多才翻徵羽  
青山游子念松楸

先太夫  
人見背

年二十諸君霄漢宜高足  
顧我風塵尙黑頭  
鳳羽鴻儀同

首待十分春色在

皇州

在羊城日與潘伯臨比部葉文園省郎

夢麟

雲谷

農部伍東梧學博四人無日不聚別日餞我于  
萬松山房又餞于渌雲樓又餞于珠江之滸分  
江之滸感情惜別有作二首

散手逍遙一謫歸爲郎猶得荷

恩暉天涯拙宦仍奔走人海虛名任是非歲月京華長  
兒女風塵故里拜庭闈與君閑遍閭浮界雲鳥無心未

息機

珠江南接分江水執手眞如去住何猿鳥飄零一身世  
文章搖落滿關河蒼茫前路寒雲色爛漫今宵暖雪歌  
深感先鞭臨別贈人生容易鬢華多

漁翁

蝸角乾坤一夢中千人容腹亦空空六州鐵鑄原知錯  
百斛文成未送窮水軟山溫無粉黛雲飛烟滅有英雄  
漁翁爛漫江頭醉起看船牕日正東

章門舟次得方稚章明經書賦答

今日甯多似此才幾人相士拭塵埃正防身世飄零老  
忽訝音書邂逅來驚嶺舊遊勞我夢龍門新榜待君開  
相思春在雙江水是處山頭有落梅

始發沙井

晨冰戒行裝殘燈熒在壁有僕初卽次有馬誰贈策可  
憐擾攘中轉午日光赤冠蓋紛長安風塵滿廣陌嗟我  
何爲者半載未煖席胡不念我祖黃髮在幃帟胡不念  
我父潔餐尙晨夕胡不念我季一編守泉石山澤久相  
招日月誠可惜匆匆快意過逐逐勞生役斜陽照人衣

一鞭又荒驛

建昌道中

山邊水邊屋數家  
道傍油菜開黃花  
行人策馬長隄去  
驚起隄東半樹鴉

潯陽江

忽覺江風慘  
不過琵琶此地弔高歌  
水通湘澧楚聲急  
客有離憂秋氣多  
留得蒼涼看古月  
敢將淪落訴微波  
美人遲暮孤臣老  
總奈繁華淚眼何

次楓香驛

右雲山人集

卷七

十四

過眼林巒過耳輪最忙時候最閒身雨中花似仳儻女  
雲外松如磊砢人幾處酒家依綠水十年詩境抗黃塵  
江南烟景應無恙指點東風一杏春

時將入江南境

田家三時詩

桐城道中

山畔有人家今朝開杏花春風動阡陌宿雨起犁耙抱  
甕兒澆菜開門婦漚麻商量南畝饁又見縷烟斜

右朝

大地日轉午耦耕多在田一雙鳩語滑三五柘陰圓暖  
氣春融土冷風晝漾川鋤頭如雨汗辛苦說豐年

右午

返照下牛背牧人歸遠村  
雨晴占父老燈火課兒孫  
機影近當檻春聲深掩門  
此邦風可採衣食見根源

右晚

欲雨行

三月望日  
定遠道中

狂風捲空雨點驟役夫仰天雙眉皺  
頑雲忽擁月光來  
役夫謝天笑顏開  
月照隴田涸如砥  
役夫揚鞭快同軌  
雨灑隴田甘如濡  
農夫千畝耕膏腴  
役夫喜晴農喜雨  
雨則苦人晴亦苦  
我聞此地七月絕甘霖  
秋禾無收待

麥補此而不雨如吾母此而不雨如吾父此而不雨如  
吾土嗚呼雨乎民其蘇甯苦役夫勿苦農夫此意問天  
天肯無役夫之苦一車覆農夫之苦千家哭

作詩之夕喜得寸雨明日郊行渡淮見野田芳潤  
有作

歎風晝晦塵不已以息相吹無終始行人兩眼苦迷奚  
洗之欲倩桐柏水解鞍祝雨雨未來夜景忽澄天半埃  
大雲遮月過前山一片濛濛氣如委郊原詰旦淨纖埃  
車驅幸未濡其軌柳荑始柔波正平行盡朝陰三十里



道傍呼耦話春耕此雨胡爲一霎止東家燒土西家種  
三日于耜四日趾使天雨珠不可縑自天降康當可俟  
否則肯播奈苗畝請看嗷嗷此婦子迴頭試望淮水南  
屬繹諸山青可指急呼昨夜未歸雲爾來再爲蒼生起

無草

去秋無稻亦無草今春不雨麥待槁土燈塵甑深掩門  
男呻女吟催人老八月不雨旱所云嗚呼何辜邦之人  
我欲告天天不聞呼僮汝勿怨歷碌飽食長行吾則福  
不見辛苦終年益無粟

征謠

庚辛之年來往南北車馬爲艱辛未三月下潞  
念將抵都憶道中况瘁作征謠十二章

礮

山行也

山兮礮兮我馬蹏蹏兮

雨如注

澤行也

雨如注不可渡溪流涓涓斷橋橫路我馬不敢前驅之  
驅之與人仆吁嗟乎馬而仆兮吾將誰屬兮

歎風

告瘁也

有歎者風布氛載途灼我肝肺我吸我呼風莫大翻車  
蓋我御蹟我車碎上有蒼蒼下視濛濛晝如晦晝如晦  
我征痲

羸羸

憫羸也

羸羸羸羸我征頽我征則頽嗟彼羸兮胡先我而羸羸  
羸則已羸其母死

顧爾僕

憫僕也

艱危之士無親踈顧爾僕兮其衛余四山啾啾鬼夜哭  
迷陽却曲勿傷吾足

傳舍

旅宿也

烏飛兔走此傳舍一盃之燈過半夜明宵知稅何方駕

擊柝

旅警也

擊柝擊柝天雞膊膊衆星熒熒月未落馬鳴蕭蕭出東  
郭郭外人問公何之昨夜雞鳴時有人持刀刃客肱其  
貲官府大索不能治公無愛貲公其愛生公何之

一飯

旅食也

一飯漂母一飯瀨水後有韓王前伍子世界茫茫若如  
此報恩之念從茲始

導先路

失路也

來吾導夫先路今日冉冉其既暮兮毋使朱公之哭而誤兮

衣塵

痛母也

莫拂衣上塵使我心中痛母沒二十年手線猶在縫母不可作母而可作嗟哉兒落拓可憐懷抱少年時錦綳尙公風寒惡一官何足報母恩轉盼秋風成敗籜兒命則薄嗟哉兒落拓

鰲

思親也

吁嗟黧兮我髮衰兮我髮衰兮毋使我心悽兮吁嗟黧  
兮我心悽兮我心悽兮毋使我親知兮

路漫漫

孝思也

路漫漫漫漫不可階吾將何時登燕臺路漫漫漫漫不  
可極吾將何處望鄉國父之教兮

君之恩毋畏爾途兮修爾轅請載筆兮貽子孫

懷溫怕可上舍

承悌

才過鷓鴣倍相思綠酒春風又一時宦跡未妨吾獨拙  
詩蹤惟有汝先知一家飄泊憑詒問兩世交親感盛衰

君之大阮竹堂松巖及頗憶夜光珠在櫝何人拂拭貢  
家蘭晚叔皆先後謝世

天堦

君去歲以週  
避未應舉

贈內子二首

閏三月  
六日

相看一笑未溫寒堂上心心問遠安兩代起居長健在  
八家門巷半衰殘釣游畢竟歸時好并日須愁來日難  
多謝客貧持戶健對卿眉盃一加餐

萬里雲蹤寄一身天涯勞汝望歸人不妨潦倒經年別

幸有闌珊九日春

十四日  
立夏

半剪柳風閒小院數日臨月

關西鄰

遷居舊  
舍之西

綠毛么鳳雙攜得重話家園物候新

同懷弟彌光樸園編輯

子尙忠春卿

尙志任卿校字

石雲山人詩集卷七止